



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

2. Quomodò leges, opera, caeremoniae ac ritus extra aestimationem iustificationis seruati, non nocent, nec derogant fidei.

urn:nbn:de:hbz:466:1-29452

Rom. 8. Non ergo facit Christianum traditio, leges, ceremoniæ, neq; cibus vel potus aut vestitus, neque masculus, neq; fœmina, Galat. 3. Sed fides illa in Christum, credere diuinæ promissioni & verbo Dei, facit Christianum: opera pia & obedientia præceptorum, declarant & testantur bene Christianum: sed illa fides in promissionem Dei, facit Christianos.

2. Quia fides nos facit filios Dei, & quatenus placeamus Deo, eaq; in Christo viuimus, & in spiritu ambulamus coram Deo, credentes quoniam propter Christum ex misericordia & gratia saluamur, in illum solum totum negotium salutis nostræ transferentes: hoc dum spiritu & corde agimus in fide, nihil nocent leges, ceremoniæ, varij ritus, fidei in Christum, quia illis non tribuimus salutem. Ideò Euangelium dum hic in corpore viuimus, sinit nos vti moribus & legibus ac ceremonijs omnium Gentium, sicut Cibus, Potu, Aëre, Sale, Pluuia, & cæteris vitæ necessarijs ad vitam corporalem. Sic Abraham, Dauid, Iob & similes placebant Deo fide in futurum Messiam: etiam erant Deo grati, & fide coram eo ambulabant, habebant & Spiritum sanctum. Sic Loth habitabat cum Sodomitis, Genes 19. Cum illis utebatur cibo & potu ac ritibus & legibus terræ, attamen spiritu & fide vivebat Deo. Sic hodiè Christianus qui fide placeat Deo, & habet Spiritum sanctum, interim dum viuit in hoc corpore, moribus & legibus præsentibus, quibus cum viuit, vti potest sine periculo conscientiæ. Sic Paulus 1. Corint. 9. inquit: Omnibus omnia factus sum, omnium me seruum feci, vt lucrifacerem omnes: cum Iudæis utebar Iudaicis ritibus & legibus, cum gentibus ritibus eorum, cum infirmis erā infirmus. &c. hoc nihil nocuit fidei suæ qua Deo vivebat. Christianus enim duplicem vitam habet: primò spirituales, qua in fide Iesu Christi consistit, qua credimus nos saluari ex misericordia Dei propter Christum

Christum, Philipp. 3. Nostra conuersatio in cælis est. hæc vita cōsistit in fide, timore, dilectione Dei, in fructibus Spiritus sancti, ad Galat. 5. Rom. 14. Regnum Dei non est cibus & potus, sed est iustitia, pax & gaudium in Spiritu sancto tales nouit Deus, qui sic in Spiritu uiuunt, qui sunt eius. Est quoque alia vita Christiani, scilicet corporalis, qua uiuimus in corpore, & cum hominibus utimur legibus, ritibus, ac cæremonijs tanquam pædagogia, & disciplina qua coercentur carnales, 1. Timot. 1. Lex posita est iniustis & adulteris. Et hæc corporalis vita, siue leges & ritus, non impediunt alteram, id est, spiritualem vitam, qua soli Deo uiuimus. Nam Euangelium non est mundana politia, sed est vita spiritualis in fide, regnans coram Deo: attamē sinit hinc uti legibus omnium gentium, & iubet etiam obedire magistratui, Ro. 13. & illorum creaturis, id est, ordinationibus, ritibus, legibus & præceptis. Igitur Euangelium & fides benè secum patitur leges, ritus, & cæremonas, si in debitum finem ordinantur.

Apostolus increpat Galatas, quòd à Christo exciderint, inquiens Galat. 5. Si in lege iustificamini, id est, uultis iustificari, euacuati estis à Christo, à gratia excidistis, & 1. Timoth. 4. inquit futurum, ut quidam discessuri sint à fide, attendentes spiritibus erroris: sed excidere à Christo, à gratia & fide Christi, est iuxta mentem Apostoli, quandò hoc tribuitur cultibus, operibus, cæremonijs, traditionibus, legibus &c. quod Christo debetur: nempè dum illis tribuitur remissio peccatorum, & iustificatio coram Deo. Hoc enim soli Christo debetur, propter hunc Deus Pater promisit se nostrì misereri uelle, & non propter opera, leges, ac traditiones nostras. Ideò perniciosus error est, tribuere his legibus & cæremonijs iustificationem, quamuis semper error iste hæsit in mundo, nec Prophetæ, neque Christus aut Apostoli poterant

C

poterant